

emgmate qle m hac una m dem

par: s: no totat p hae intin



Freiherr v. Ende-Altheßnitz.



XXIX.

DISPUTATIO JURIDICA

De

TESTAMENTI

accessoriis, legatis, & fideicom-
missis particularibus,

Quam

DEO VOLENTE

Præside

Dn. LEOPOLDO HACHELMANNO

J. U. D. & Facultatis Juridicae

Ordinario, &c.

In Collegio Ictorum ad diem 5 Maij publi-
co examini submitto,

FRANCISCUS A TROTTA,

Eq. Misn.

os (o) so



TYPIS LAMBERGIANIS,

Excudebat Johan Gluck/

M. DC. XIV.



Viro admodum Reverendo, Magnifico, Strenuo, & verâ generis nobilitate variarumq; rerum usu Nobilissimo

Dn. CHRISTOPHORO ab *Hunefe* / Ecclesiæ Cathedralis Magdenburgensis Canonico primario & Thesaurario, &c.

Ut &

Viris Magnificis, Strenuis ac Nobilissimis eruditione & experientiâ singulari præstantissimis

Dn. WOLFGANGO à *Breitenbauch* / hereditario in *S. Ulrich* / *Brandenstein* vno *Stelbentz* / etc.

Dn. JOANNI à *Breitenbauch* in *Ranitz*, &c. fratribus germanis.


Dn. GEORGIO RUDOLPHO von *Trotta* / etc.

Dn. Mœcenatibus affini, avunculis fratri ac Patronis atatem summè honorandis.

Hanc disputationem juridicam in verum vera ac debita observantia ac amoris argumentum studiorumq; quale, quale testimonium inscribo ac voveo.

Franciscus à *Trotta*,
Resp.

THESIS I.



Legatum ut Sacratissimus Imperator Justinianus definit, est donatio quedam à defuncto relicta ab herede præstanda. *in pr. f. de legat. l. 36. ff. de legat. l. 1. l. 116. ff. de legat. l. 1.* Quæ definitio sat proba est, nec verba ejus finalia ceu suppositia quomodo Doctores vulgo faciunt ex ea extirpamus.

II.

Legamus autem quatuor modis per vindicationem; per damnationem; sinendi modo & per præceptionem. Per vindicationem his verbis; do, lego, capito, sumito, sive habeto. Per damnationem his verbis; heres meus damnas esto, dare, dato, facito, heredem meum dare jubeo. Sinendi modo his verbis; heres meus damnas esto sinere Lucium Titium sumere illam rem, sibiq; habere. Per præceptionem deniq; hoc modo: Lucius Titius illam rem præcipito. *Vlp. in fragm. tit. 24. de legat. Paul. 3. sent. c. 6. Cajus l. 2. tit. 5. l. f. de b. tit.*

III.

Et quamvis omnibus legatis hodie sit una & eadem natura, non parum tamen interest novisse has differentias ad responsa Ictorum quæ in Digestis extant intelligenda. *f. § 1. f. de legat. l. in legato 21. C. de legat. l. 1. l. 2. C. com. de legat. l. 15. l. 261. C. de test.*

IV.

Sunt autem legata ex æquata fidei commissis, ita ut omnia, quæ naturaliter illis insunt his etiam adherere intelligantur; Et contra, quicquid fidei committitur, legatum

gatum quoq; esse censeatur, § 3. *J. de legat. ibi omnia legata l. 2. C. com. de legat.*

V.

Quæ exaquatō, non ex responsis prudentum, ut multi putant, neq; anteriorum Imperatorum constitutionibus, sed legislatione Justinianea est inducta, *d. l. 2. C. com. de legat. § 3. J. de legat.*

VI.

Quod si tamen dixeris etiam post Justiniani constitutionem specificam differentiam inter legata & fidei commissa, salvam remansisse, non erraveris, *d. l. 5. C. com. d. § 3. J. de legat. & arg. tot. tit. de legat. & fidei.*

VII.

Exaquatō verò illa non ad universalia fidei commissa, ut alii perperam docuerunt, sed ad singularia, ut verior habet Dd. sententia, tantum pertinet, *l. 1. ff. de legat. 2. facit huc l. 1. ff. ad Sc. Trebell.*

VIII.

Legata porrò & fidei commissa relinquere tantum possunt, quibus testamenti condendi jus est, *l. 2. ff. de legat. 1. l. 1. in fin. pr. ibi quia nec testari potest: de legat. 3. l. 6. § 3. de jur. Codicill. Vlp. in frag. tit. 25. § 3.*

IX.

Rectè autem ab illis relinquitur, ad quos post mortem testatoris aliquid perventurum est, vel dum datur, vel dum non adimitur. Ab iis igitur, qui nihil acceperunt, nihil quoq; relinqui potest, *l. 1. § pen. ff. de legat. 3. l. ab eo p. C. de fidei commiss. l. sed et si 6. § 1. de legat. 3. arg. l. à patre ff. 10. l. 70. § 1. de legat. 2.*

Accipe-

X.

Accipere possunt legata quibus cum testamenti factio passiva est. § 24. *J. b. t. § in extremis 4. vs. testamenti autem J. de ber. qualit. & different. l. si seruo 101. § 1. de legat. 1.* Hodie etiam personam incertam, si modo ex eventu certificentur. § 25. *J. de legat. l. quidam relegatus 5. ff. de rebus dubiis. posthumus alienus § 27. J. b. t. testes in testamento adhibiti, § legatariis 11. J. de testam. ordinand. l. 20. ff. qui test. facere poss. l. 14 ff. de rebus dubiis.*

X I.

Illud nihil interest, persona singularis sit, cui legitur, an corpus, vel aliud quodlibet licitum collegium. *l. 12. C. de ber. instit. l. 122. de legat. 1. l. 117. ff. eo. l. civibus 2. de reb. dub. l. 73. § 1. de legat. 1. l. 20. ff. eo. l. 26. ad SC. Trebell. l. 21. quibus modis ususfr. amitt.* Indefinitè tamen civibus relictum civitati, non singulis civibus relictum videtur. *d. l. 2. ff. de reb. dub.* quamvis in administratore paulo aliter sit constitutum. Hic enim distinctionis ope res dirimenda est: aut ab extraneo legatum proponitur, aut à necessitudine juncto: Priori casu civitati debetur: Posteriori verò personam contemplatione relictum censetur. Quod & de Episcopo & de Ecclesia Jure Pontificio cautum legimus. *c. requisivisti extra de test.*

X II.

Sanè error nominis legatum non vitiat, si de persona, cui legatur constet: Si tamen designatio nominis non satis fungatur vice nominis, aliud dicendum est. *l. duo sunt Titii 30. de test. tut. l. in tempus 62. § 1. de ber. instit. l. certum est 6. in fin. ibi quatenus, § 39 J. b. t. l. si nomine 4. C. de test. l. 7. C. b. t.*

XIII.

Quia verò non rarò evenit, ut duobus vel pluribus eadem res ab eodem testatore, sive disjunctim, sive conjunctim, in eodem testamento relinquatur, qui si non concurrant, fit ut accrescendi jus locum inveniatur. *l. 63. l. 17. § 1. ff. d. her. instit. l. re conjuncti ff. de leg. 3. § sed si ead. J. b. t. l. 142. de V. S. l. vn. C. de caduc. tollend.*

XIV.

Est autem jus accrescendi (cui in successione duntaxat, non item in contractibus locum damus *arg. l. si mihi & Titio 110. ff. de v. o. l. vn. C. de Cad. tollend.*) jus, quo pars vacans cedit parti occupatae *l. vn. § bis ita C. de cad. tollend l. quoties 1. Sinterdum 3. l. idem Neratius 3. in pr. ff. de usufr. accresc. § sed si eadem J. b. t.*

XV.

Eiq; in omni conjunctione, sive realis sit, ut primo fundum Tusculanum do lego, secundo fundum Tusculanum do lego; *l. 89. ff. de legat. 3. l. triplici de V. S. l. vn. § ubi autem § si vero non omnes C. d. ead. toll. § sed si ead. J. b. t. l. 1. § 3. ff. de usufr. accresc. sive verbalis, ut primo & secundo ex æquis partibus fundum Tusculanum do lego: l. 89. ff. de legat. 3. l. triplici ff. de V. S. d. l. vn. § bis ita 10. § ubi autem C. de cad. toll. l. 16. in fine de legat. 1. sive deniq; mixta, ut primo & secundo fundum Tusculanum do lego, quamvis magni Icti variè contradicant, locum relinquimus. *d. l. un. § bis ita C. de cad. toll. § 8. instit. b. t. l. 1. l. 3. in pr. ff. de usufr. accresc. l. conjunctim 80. l. 89. v. præfectum 23. ff. de legat. 3.**

XVI.

Legari possunt res omnes, tam heredis & communes, quam propriæ mobiles & immobiles *§ non solum J. d. t.*

*d. t. l. servis § 2. ff. de leg. 1. l. Sticho 36. de usufr. leg. 1. unum
67. § si rem 6. in fin. de leg. 2. l. 30. § 4. ff. de leg. 3. l. 71. § fin.
ff. de leg. 1. § 10. f. b. t. Pertinet huc quæstio, an mobiliū
legato generaliter facto pecuniæ comprehendantur,
quæ in domo vel capsâ testatoris reperiuntur, quod ma-
gis est, nisi pecunia illa fœnori vel emtioni, immobiliū
destinata sit. l. 79. § 1. de leg. 3. junct. l. 69. eo. t. l. 86. in
pr. de leg. 2. l. 27. § 3. de instructo vel instrum. legat.*

XVII.

Ejusdem farinae & hæc controversia est, utrum si quis alicui bona sua mobilia, & omnia, quæ domo continētur, nullo excepto legaverit, nomina etiam debitorum eo legato comprehendantur? Id quod, nisi aliud sensisse testatorem legatarius probet negamus. *arg. l. à Divo Pio ff. de re judicat. arg. & l. quinto ff. de auro & argento legat. l. quam Tiberonis § in peculio ff. de peculio l. chorus § 1. de legat. 3.*

XVIII.

At, quid dicendum, si testator ut fieri solet in testamento uxorem suam dominam & fructuariam omnium bonorum simul relinquat alios vero heredes instituat, nunc quid uxori alimenta tantum relicta censentur, an usus fructus? Distingue inter filios heredes scriptos & extraneos; priori casu alimenta uxori tantum debentur; posteriori verò usus fructus relictus censetur. *Dd. in l. Titia cum Testo § Titia cum nuberet ff. de legat. 2.*

XIX.

Res quoque incorporeæ, ut servitutis nomen liberatio, rectè legantur. *§ tam autem f. b. t. l. cetera 4. in pr. de legat. § ult. f. de usufr. tot. tit. si servit. legat. l. 44. § 6. de legat. 1. l. 88. § 8. de legat. 2. toto tit. de liberat. legat.*

*legat. Generali tamen liberatione aliarum rerum ad-
ministratores legata non comprehensa censentur ea,
quæ actione reali vindicari possunt. Vid. Dd. ordinariè
in l. 28. § 4. ff. de liberat. legat.*

XX.

Sed & res futurae, si modo, vel actu vel potentiâ in
rerum natura sint legato in aliquem conferri possunt.
*§ ea q. res 7. in v. si modo futura est J. b. t. l. quod in rerum
24. in pr. de legat. 1. l. 15. l. 17. ff. de legat. 3. 7. de tritic. vin.
Hoc loco disputari potest utrum relicto legato rerum
futurarum si non existat tantum, quantum legatum est
an haeres ad præstationem totius teneatur? Affirmativa
sententia nobis non displicet. per l. 27. § fin. ff. de leg. 3. l.
12. de aliment. & cibar.*

XXI.

Non tamen rectè res legatarii propria legato do-
natur, quia quod proprium est ipsius, amplius ejus fi-
eri non potest. Et licet ab illo alienata fuerit, neq; ta-
men res ipsa, nec ejusdem æstimatio debetur. *§ si rem J.
d. t. l. 13. C. eo. l. cetera 4. § testari 2. de legat. 1. l. Mevius
66. § non solum 3. de legat. 2. arg. l. possideri § ex pluribus 4.
de acq. poss. l. non ut ex pluribus 159. de R. J. l. 1. de R. Cat.
l. 201. de R. J. C. non firmatur 18. in 6.*

XXII.

Sanè res aliena legato relinquì potest, non tantum
jure Justiniano, sed etiam Pontificio, quamvis non
pauci dissentiant, ita ut haeres cogatur eam redimere &
præstare, vel si hoc facere nequeat æstimationem ejus
dare. *§ non solum J. b. t. l. 67. § 8. ff. de leg. 2. l. 10. C. eo. l. 40.
l. 114. § 5. eo. l. 39. in fin. de legat. 1. l. 12. de legat. 2. l. non du-
bium 14. § fin. de legat. 3. Dd. in c. filius ext. de testibus.*

Quod

X X I I I.

Quod autem diximus, alienam rem posse legari, ita intelligendum est, si defunctus sciebat rem esse alienam; secus si ignorabat. Forsitan enim si scivisset, rem esse alienam, non legasset, & ita Divus Pius rescriptit. Coniunctis tamen personis etiam hoc casu legatum præstari debere, ubi simpliciter credebat testator rem esse suam, non dubitamus. *§ non solum ibi quod autem J. b. t. l. 10. C. eo. l. unam 67. § si rem 6. de legat. 2.*

X X I V.

Quid verò in dubio constituendum, præsumemusne scivisse testatorem rem esse alienam, vel ignorasse? Et verius est ut Martianus lib. 6. inst. scribit, ipsum qui agit, hoc est, legatarium probare debere scivisse alienam rem legare defunctum. *l. verius ff. de probationib. d. § non solum 4. J. b. t. ibi & verius est.*

X X V.

Et hæc tùm demum vera sunt, si rei legatæ sit commercium, hoc est, emendi, vendendiq; in vicem jus. Non igitur rectè legantur res sacræ, hortus Salustianus, campus Martius, forum Romanum, & similes. *d. § 4. b. t. l. 39. § fin. de legat. 1. l. mortuo 49. § Zabao 2. de legat. 2. Vip. in fragm. tit. 19. § commercium 4.*

X X V I.

Cæterùm si heredi, vel alii homini rei legatæ non est commercium, tùm heres vel ipsam rem si comparari possit vel æstimationem præstare tenetur. *d. l. mortuo bove § sed proculus 3. de legat. 2. l. 114. § 5. ff. de legat. 1.* Quod si legatarius rei legatæ careat commercio in tantum inutile est legatum, ut nec ejus æstimatio debeatur. *d. l. cum servus 39. § 1. l. mortuo 49. § 2. de legat. 2. arg.*

B

l. mul-

l. multum 34. de v. tot. tit. C. ne Christ. manc. heret. vel Jud. Hic tamen non distinguimus inter legata & fidei commissa non item inter scientem & ignorantem testatorem, ut multi faciunt.

X X V I I.

Ex his fit consequens, deberi æstimationem legatario, quamvis cõparatio rei sit difficilis, ut si fuerit res Ecclesiastica dotalis, vel pupillari legata. *arg. d. § 4. J. b. t. junct. l. 39. § 2. ubi indefinite probat Ictus res alienas legari posse. ff. de leg. 2. C. cum conting. 28. de jurejur. tot. tit. de rebus eorum.*

X X V I I I.

De feudo valdè controvertunt Feudista, utrum legari possit; Nos illos verum sentire arbitramur qui existimant feudum legari non posse, idèd ut nec æstimationo debeat. *Ed. in C. vn. de success. feud. C. un. § donare quale olim feudum al. pot.*

X X I X.

Emphiteusis tamen ut donari ita legari potest, nec non res hostium. *arg. l. 71. § ult. ff. de legat. 1. l. 1. 39. § 7. eo. l. 2. 19. de v. s. l. 14. § possessor qui satis dar. cog.*

X X X.

Porro relinquuntur legata & fideicommissa in quavis ultima voluntate verbis quibuslibet tam specialiter, quàm generaliter, quale legatum debetur, si testator ejusmodi res in hereditate requirit, electione regulariter penes legatarium existente. *§ sed non usq. J. b. t. l. omne 2. C. comm. de legat. § præterea J. de fideic. her. § sed ex constitutionib. 3. sed relatè J. b. t. quoniam 15. C. de test. l. 49. l. is cui fundus 54. l. Marcius 66. § 3. ff. b. t. § si generaliter 22. J. b. t. l. 71. in pr. ff. de legat. 1. l. cum post. 6. § gener. socero ff. de jure dot. l. 71. in pr. ff. de legat. 2. l. servus*

108. § cum homo ff. de legat. 1. l. si cui simplicius 9. ff. de servit.
l. fin. § 1. C. com. de legat.

XXXI.

Et ab arbitrio testatoris dependet, utrum purè dare legare velit, an sub conditione. l. 1. § 1. in pr. ff. de cond. & demonstr. l. omnia 32. in pr. de leg. 2. l. heres 79. § 1. ff. de cond. & demonstr. Legatum autem sub conditione relictum ea demum existente debetur; Vnde legatarius, si ante conditionem existentem decedat, legatum ad heredes non transmittit, secus quam est in contractibus constitutum. l. si cum heres 4. ff. qu. dies legat. ced. arg. l. 5. C. de condit. insert. § 4. §. de v. o.

XXXII.

Hoc loco elegantem nec minùs difficilem quæstionem proponimus: An legatum dotis causà factum sit conditionale, an purum, an verò modale? Et conditionale esse, verior est sententia. l. si 21. de v. o. l. 41. de jur. dot. l. 3. l. 9. l. 48. de jur. dot. l. 31. l. 71. l. 91. de condit. & demonstr. l. 24. C. de nupt. Nov. l. 123. e. 37.

XXXIII.

Frequens quoq; est illa controversia, nec à proposito nostro aliena. Si testator legaverit uxori usumfructum, sub conditione, si castè & vidualiter vixerit & post ejus mortem Titio: Vtrum Titio, si uxor postea nubat statim debeat ususfructus? Id quod arbitramur.

XXXIV.

Legatum tamen ususfructus omnium bonorù uxori relictum sub conditione si castè & honestè vixerit, & non adjecto eo, si in viduitate permanferit, non amittitur per transitum ad secundas nuptias. l. secunde C. de viduit tollend. Dd. communiter in l. mulier § cum proponere 2. arg. illius textus ff. ad Sc. Trebell.

XXXV.

Interdum quoq; legatis pœna, dies & modus adjicitur, & quidem sub modo relicto legatum peti equidem potest, sed præstita cautione Mutiana de implendo. *tot. tit. C. de his qua pœn. nomine § fin. J. b. t. l. 40. § fin. ff. de condit. & demonstr. l. 1. § 1. ff. eo. l. 20. § 1. ff. de condit. & instit. l. 5. § 1. ff. qn. dies legat. ad. l. un. § cum igitur C. de cad. toll. l. eas §. ff. de condit. & demonstr. l. 19. ff. de leg. 3.*

XXXVI.

Illud est difficile definire, utrum & quatenus in arbitrium tertii legatum conferri possit? Nos distinctione rem explicamus.

XXXVII.

Aut in arbitrium legatarii confertur, & valet, aut in alterius tertii absolutam voluntatem, & validum non est. *l. 52. ff. de condit. & demonstr. l. 32. ff. de her. instit. Quomodo nec rectè in absolutum arbitrium heredis confertur. l. 8. ff. de O. & A. l. 7. § 1. ff. de reb. dub. conf. l. 11. § 7. de leg. 3.*

XXXVIII.

Effectus legatorum vel in eo potissimum consistit, quod recta viâ ipso jure à morte testatoris dominium in legatarium transit. Quod tamen verum non est, si vel res aliena fuerit legata, vel quantitas. Sed nec in alternativis legatis ante electionem dominium transferatur. *l. 64. ff. de furt. l. si mulier 3. § si rem 2. ibi quod dominium nanciscitur statim de legat. 3. l. si post 50. § ita 1. qu. dies legat. legatum 80. de legat. 2. Dd. in l. 1. ff. de legat. 1. l. 1. de publ. in rem act.*

XXXIX.

Diximus dominium in legatarium ipso jure transire, l.

fire, ut significemus aliter se rem habere in possessione. Nec potest legatarius hanc propriâ autoritate apprehendere, sed competentibus in eam rem actionibus utatur necesse est. *l. §. C. de legat. in pr. J. b. t. ibi ab here. de praestanda l. 47. in pr. de legat. l. 116. eo. l. 1. & tot. tit. quod legator. l. 176. ff. de R. J.*

X L.

Competunt autem legatario legati persequendi causa una cum accessionibus & fructibus à tempore moræ, actio personalis, rei vindicatio & actio hypothecaria. § 2. *J. b. t. l. 1. C. com. de legat. l. si servus 108. § cum homo 2. de legat. l. 1. l. 69. § fin. l. 82. in pr. l. 91. § fin. de legat. l. 1. l. 29. § si heres de legat. 3. l. 84. l. 87. § 1. l. qui solidum 78. Etiam 2. de legat. 2. l. 2. § bellissimè ut legat. nom. cav. l. 92. de condit. & demonstr. l. in fideicommissum 3. us. caterum in pr. de usur. Dd. in l. 30. § fructus b. t. quam tamen cave existimes in ipsa re legata, ut nonnulli crediderunt, competere. l. neq; pignus 45. ff. de R. J. l. si rem alienam 29. ff. de pign. act. l. 30. ff. de except. rei judic.*

X L I.

Valdè hic disceptari solet, utrum actio personalis cum hypothecaria rectè in eodem libello possit cumulari? Affirmativa, quæ notoria torius Germaniæ consuetudine est recepta, verior est. *arg. Nov. 4. c. 2. vers. contra.*

X L I I.

Superiori quæstioni difficultate non cedit illa controversia, utrum legatarii pro consequendis legatis paratam habeant ex Testamento executionem? id quod negamus, § nostra autem *J. b. t. d. l. 1. C. com. de legat. l. fin. C. de edict. D. Had. toll.*

XLIII.

Nunc videamus, quomodo legata vel infirmantur, vel diminuuntur. Infirmitur verò legata testamento infirmato; quamvis hodie si querela in officiosi testamenti testamentum rescindatur, legata salva remaneant. *Nov. 115. c. 3. in fin. & c. 4. in fin. Auth. ex causa C. de liber. praterit.* Hoc nonnulli extendunt ad prateritionem quæ ipso jure testamentum nullum constituit quibus cum non facimus. § 1. *J. de exber. liber. l. 17. junct. l. 1. ff. de injust. rupto l. inter cetera ff. de liber. Et post b. Namq. Nov. 11. § C. 3. ad prateritionem veram qua testamentum ipso jure constituit nullum haud pertinet.*

XLIV.

Legatum quoq; expirat, si testator vel expressè, vel tacitè illud revocaverit. *l. 32. § 3. de donat. inter virum ut ux. l. 17. C. de testament. tot. tit. de adm. l. 5. l. 18. l. 3. § fin cum similibus ff. d. t.*

XLV.

Vnde si testator nullà necessitate urgente rem legatam alienaverit, legatum revocasse putatur, nec illud redintegrabitur, si forte testator rem legatam redemerit. *l. 18. ff. d. t. l. 15. ff. eo. l. 11. § 12. ff. de legat. 3. § 12. J. b. t. l. 22. ff. d. t. § tam autem J. b.*

XLVI.

Diminuuntur legata ex Lege Falcidia quæ hereditibus hereditate ultra Dodrantem legatis vel fideicommissis particularibus onerata quartum detrahere licet. *l. cum filia 41. ff. de vulg. & pupill. substit. ubi gl. l. lex Falcidia 47. § nunquam ff. ad l. Falc. l. 1. ff. d. t. in pr. J. eo. l. in quantitate 37. § ergo ff. eo.*

Qua

XLVII.

Quæ cum quarta hereditatis sit, apparet non imputari in eam, nisi quæ jure hereditario capiuntur, non quæ jure legati fideicommissi, vel conditionis implenda causa. *l. in quartam 91. ff. ad L. Falc. l. quod autem 74. ff. eo. l. pater ibi jure hereditario 14. ff. b. t. l. 42. ibi jure testamenti de vulg. pupill. substit. l. 24. C. sam. Ercisc. l. qui non militabat ff. d. t. l. 76. ff. eo. l. in ratione 30. § tametsi.* Vnde difficilis enascitur quæstio; Anne prælegata quæ partim à coherede, partim ab herede ipso inutiliter sunt relicta pro portione heredis gravati in Falc. imputentur. Negant hoc multi, quibus non subscribimus. *l. 18. § ult. ff. de his quib. ut indign. arg. miles 75. § ult. l. 77. in pr. ff. de legat. 2. l. si Titius 96. ff. de legat. 3. l. 58. § 3. ff. ad SC. Trebell. l. 25. § ult. cum seq. ff. fam. Ercisc. l. in ration. 11. in pr. l. ex asse 52. § 1. ff. ad L. Falc. l. in duplicib. 78. ff. d. t. l. non esse dubium 90. cum seqq. d. l. 78. d. t. l. plane § 17. l. 116. § 1. ff. de legat. 1. l. 74. ff. ad l. Falc.*

Corollarium.

Mandatarius regulariter ex natura contractus mandati levissimam culpam præstat negotiorum gestor ex natura quasi contractus non æquæ.

F I N I S.

emigraute qir in hac terra in dem,

par. si no poter p huc tunc...

Handwritten text in a Gothic script, likely a list or index, running vertically down the right edge of the page.



01 A 6518

ULB Halle

3


002 937 514



VD 17

also ✓






XXIX.
DISPUTATIO JURIDICA
De
TESTAMENTI
accessoriis, legatis, & fideicom-
missis particularibus,

Quam
DEO VOLENTE

Præside
Dn. LEOPOLDO HACHELMANNO
J. U. D. & Facultatis Juridica
Ordinario, &c.

In Collegio Ictorum ad diem 5 Maij publi-
co examini submitto,

FRANCISCUS A TROTTA,
Eq. Misn.



TYPIS LAMBERGIANIS,
Excudebat Johan Blüch/
M. DC. XIV.